

مجموعۃ ابوالخیر

ماسوا شائبہ سندن دلی تطہیرہ چالش
بر تو حکمت و عرفان الہ شویہ آتش

ہر ماہ عربی ابتدا سیلہ اون بشتہ نشر اول نور فنون مجوعدہ سیدر .

جزو ۳۵ [فی غرہ جمادی الآخرہ سنہ ۱۳۰۰] نسخہ سی ۳ فروش

اولمغه خانك جزاسنى اجرا ايتدرديكى كې فابريستوس ايله روماليلره
اثر تشكريفى ابراز ايجون اردوسنده بولشان روما اسراسنى بركونه
تضمينات جريسه طلب ايتكسزبن روما اردوسنه اعاده ايلر .
روماليلر ايسه برجنايته تنزل ايتدكلى كې قبول عنايته منتقدار
اولمغه دىخى راضى اولمقدلرندن كلان اسراك مقدارى قدر ايجر
اسراسى تفريق ايدىرك قرال پيرونك اردوسنه اعزام ايتشلدرد .

زیتون آغاجی

زیتون برثر بر بر كندرد، كه جناب حق كتاب مفرلنده اشرف
مخلوقاتى اولان انسانك مسجع اولديخى صفات و خواص عاليه نك
كانه آنكله قسم ايتدرد .

بو شجره ارض مقدسه مخصوص اشجاردن اولىرق و قتيله
(طورزيتا) ديدكلى جيلدن ماعدا هيچ بر برده بولمزدى .

اوروپا قطعه سنده نقل و غرسى بوندن ۳۵۷۲ سال مقدمدر كه
آينه نك بانيسى و (اتاكي) دولت قديمه سنك ايلك حكمدارى اولان
مشهور (سه قروپ) يديله در .

سه قروپى استخلاف ايدن آينه ايلر مشارالهمك بو خدمتى فراموش
ويا انكار ايله شجر مذكورى اسطير اولينده حكمت و صنايع و مشاغل
آلهه سى اولان مينه روك ثمره لطفى اولقى اوزره زعم و ادعا ايلديلر .

آينه ده بر چوجق تولد ايلديكى زمان سويقاق قپوسى اوزرينده
زيتون داللىرندن تصنيع اولمش برتاج تعليق ايلديلر و بوتاج ايله مولودك
ايلروده زراعت و فلاحتده رغبت ايتسى ايجون تبرك اولتور ايدى .
زيتون آغاجى فرانسه يه فارسىلى قوسنه ن طرفندن كشيرلش

و بوکونی کونده فرانسه قطعه سنک ایالات جنوبیه سنده کثرجه
هر درلو اشجاره فائق بولمشد .

فرانز سیاحلرندن مشهور (طوره نفورت) سفینه نوح
قوندیغی (عرارت) طاغنه وقوع بولان سیاحتندن صگره نشر
ایلدیکی سیاحتنامهده حضرت نوح نوح اطاره ایلدیکی کوکرچینک
سفینه عودتنده غاغه سنده کتیرمش اولدیغی زیتون دالنی کبوترک
نره دن قوبارمش اولدیغی بر درلو کشف ایلیمدیکنی و چونکه عرارات
حوالی سنده زیتون اشجارندن اثر یله مشاهده ایلیمدیکنی و حال بوکه
شجر مجوٹک یوزرجه عصر پایدار اولملاق خواصندن بولمیدیغی
بیان ایدیور .

بزه قالیرسه بعد الطوفان برچوق انقلابه اوغرامش اولان ارضی
مذکوره موسیو طوره نفورتک نظر مشاهده و تصدیقنه عرض ایتک
ایچون بردانه اولسون زیتون آغاجی صاقلامدیغندن طولای مسئول
ظوتیله عز .

اليوم الك كوزل زیتون والك لطیف روغن زيت اسپانپاده
حصوله کلیر . عربلر اسپانیایی قح ایتدکاری زمان فلسطیندن
مخصوصاً زیتون فدائری جلب و غرس ایتشلر ایدی . اقلیم و هوایک
یاردیمیه بو آغاجلر اورتبه کسب فیض و قوت ایتشلر ایدی که زمان
اسلامده بش اون زیتون آغاجنه مالک اولان بر شخص کمال رفاه ایل
عالمه سنی اداره ایلیمدی .

هله اشبیلیه اباتنک (که زمانزده سیویل دیه معروفدر)
طولاً و عرضاً هر جهتنده یوزرله فرسخ زیتون آغاجی مغروس
اوله رق محصولی ایسه جهانک هر طرفنده حصوله کلان زیتوندن
انفسدر . حتی اشبیلیه زیتونلرینک برخاصه سی واردر که تحت ارضده
اوتوز سنه حفظ ایلدکدن صگره تعصیر ایلدکده حاصل اولان

روغنك طعم ولونی تازه زیتوندن چیقاریلان باغه فائق و رایحه و
اطاقتجه دها رائقدر .

باخصوص بوزیتونلر مخزنلرده بولندقچه کسب سمن ایدهرک
برقیه زیتون سنه لر مرورنده ثقله برمثلی قدر آرتقمده درکه بوده
ارضك خاصه فیوضاتنددر .

فونته ناک بعض مخصوصاتی (*)

فرانسه مشاهیر ادباسندن فونته نل قدر سکنت و اعتدال
طبیعت صاحبی کیمسه تصور اولندهمز . مشار الیه هیچ بروقت
کولماش و فقط هیچ بروقت چهره عبوس دخی کوسترمامشدر .
مدت عمرنده نه بهوده یره آغلامش ونهده غضبنمشدر . هیچ برزمان
قوشدیغی و مصاحبت ائسانندهدخی کیمسه ناک سوزینی کسیدیکی ولقردی
سویله مک ایچون استعجال ایتدیکی کورلماشدر .
حتی هیچ سوز سویله مکسزین برکون آقشامه قدر علی التوالی
بشقه سنک اقردیسنی دیکلیه بیلردی .

مشار الیه ابوینی حقنده « پدرم احق ایدی ؛ لکن والدهم
جین فکرلی برقادین ایدی . » دیر ایش .
فونته نل ناک چوق انفیه چکر ایدی . فقط بریره کیدرکن انفیه
قوطیسنی اوده اونتمه مبتلا اولمسندن کندیسنک بو حالی بیلان احبابی
زبارتی وقوعنده کندیسی ایچون مخصوصاً بر قوطی انفیه بولندیررل
ایدی .

(*) مشار الیه ۱۶۵۷ سنه میلادیهسندن ۱۷۵۷ سنهسنه قدر یوزسنه
مهر اولمشدر شعرای مشهوردن قورنیک یکنی ایدی .